

NAMIBIA SENIOR SECONDARY CERTIFICATE

FIRST LANGUAGE OTJIHERERO ORDINARY LEVEL

4107/1

PAPER 1 Reading and Directed writing

2 hours 30 minutes

Marks 70

2018

Additional Material: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.

- Answer **all** questions.

- Pay attention to spelling, punctuation and sentence structure.
- The number of marks is given in brackets [] at the end of each question or part question.

OMARAKIZA NONDJIVISIRO KOVARORWA

- Tjanga omaziriro woye mEmbo rapeke ndi mo pewa.
- Tjanga Onomora yOsenda, Onomora nEna rOmurorwa kEmbo rOmaziriro.
- Tjanga nopena omburau poo onḍoro zu.
- O ungurisa ouhwe ouyerise poo otipekisa onḍemise.

- Zira omapuriro **ayehe**.

- Yandja ombango kondjangerosemba, oviraise vyokuresa nondungiro yomihewo.
- Otjivaro tjozongombe tja yandjwa moukovero [] komaandero wepuriro poo orupa rwepuriro arihe.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

ORUPA A

Resa ehungi ndi nawa nu kuzambo u zire omapuriro ayehe ngu maye teza ku ro.

Okarukondwa 1

Omuniyandje umwe omunatjihorera otjiwa wa South Africa

Natalie du Toit wa kwatwa notjiyandjewa nu okuza nga ri okakazona okaṭiṭi aa roto okupatasana momanyando wOlimpika. Eye wa rira onyose mo-1998 indu tja kuramena po o South Africa momanyando womahi nge ri kehi yotjikorone tjOvaingirisa ngunda e nozombura 14 uriri.

Nungwari ozombura ndatu kombunda yanao pa munika aayo oruroto rwa Natalie rwOlimpika ndwi rwa hara okutekera. Eye wa ri moumba nu arire tja kondwa okurama aku konderwa pongoro. Nungwari omba mbwi kau yandisire ozondero noturoto twe. Eye nangarire ngunda e ri monasareta nao e nozombura 17, omutjaare ngwi wa paṇḍa okuyera omake koturoto twe.

“Ovanene vandje na tjiva vomapanga wandje aruhe aave kara pokutja ami hi rinane kotutenda twombete kombanda otja tjinga ambi tjita aruhe paave heye kutja nao opu me rikutururisa orutu tjinga amarorero wokutuurunga okuyenda komanyando wOlimpika aye ri popezu.”

Nombango onamasa yokuhina okuyaruka ombunda, Du Toit ke riyandjerere kutja omakondero wokurama ye mu pore kozondando ze. “Ngunda okutjaara hi ya zemba, posiya tja ri otjiṇa otjiyenda okutanauka okatemonḍonḍu pomatanaukiro ayehe komundu wokurama kumwe. Ami mba yaruka kokukatjaara ne hiti momukoka pu nozondḱona ame rizemburuka tji mba ri okaṭiṭi indu tjee taara ovanatje ovanene pwami. Nambano mba rira omuatje ingwi omunene ngu taarwa i yovanatje mba ovaṭiṭi avehe. Okutja otjee vanga okuyera otjikasuka tjandje tjomatjaarerero otja pee tjaarere nu opu mba tjita.” Kombunda yomieze tjiva vyomerikuturisiro worutu eye wa yaruka kozombataneneno rukwao. Eye wa yenda outja-16 movatjaare 24 mozometa ṇḱa 10 000 zokutjaara na yaruka ko South Africa nomuhiamwatima nomuano eye mbwa kaungura.

Eye wa kayenda komurungu na tuurunga okuyenda komahore omasenina mozometa ṇḱa 800 komahore nga womahi nge ri kehi yotjikorone tjOvaingiriisa mombura ndji 2002. Ihi tja ri otjikaṇena mozombura ṇḱa ozombe nai omundu ngu hupa nouremane okupatasana momanyando wokutjaara pondondo youye ku novandu mbe hi nouremane. Komaandero womayando nga, eye wa pita otjomuniyande onyose na pewa ondjambi ya David Dixon.

Mombura ndji 2004, ozombura ndatu kombunda yokukara moumba eye wa taara ozombandi ndano zongoldo pomanyando wovaremane nga ri mo-Greece. Oruroto rwe rwaaruhe wa yenenenisa mombura ndji 2008 mo Beijing indu tja tjita ekuruhungi okurira omukazendu omuremane omutenga okutuurunga okuyenda komanyando wokutjaara wOlimpika inga wovandu mbe hi nouremane. “Okutuurunga okuyenda komanyando wOlimpika tjiri tja ri tjimwe tjoviṇa mbi ririsa omundu motjimbe tjokutja ee rimunu aayo mba rondo nu e tanana ondundu ndji o Mount Everest, ondundu ondende mouye.” Du Toit we pe raisa nao.

“Tjiri ee munu aayo omayandero wouye,” Natalie wa weza.

Ozondoṇeno zapeke za Natalie du Toit ṇḱa ze mu tjita kutja ma rire otjihorera otjiwa ovandu ovengi mo South Africa ku ve tara ngaa hembandina yokuvare. Mokati kovandu imba ovatenga mba tjaterwa i yondoṇeno ya Natalie ya ri Operesindenda Ondenga ya South Africa Nelson Mandela ngunda ingwi ngwe mu pingena Operesindenda Thabo Mbeki ee mu tanga kokurira omunatjihorera otjiwa kotjiwaṇa. Omutjaare womuinyo omure ngwi wa varwa nokuzemburukwa pomaandjero wozondjambi omahuze nga o Laureus otja ngwa teya nokuisapo orutjiva pokati komanyando wovandu mbe nouremane na mbe hi nouremane.

Moruveze Du Toit ndwee rirongerisire omanyando wa London mombura ndji 2012, eye we pe raisa kutja ongu maye rire omanyando we omasenina ngu ma kara mo norupa pondondo youye. Nu nangarire kutja eye u nouripura wokutwa otjiyoke pehi, eye u nomaundjiro komaunguriro omawa. Eye ngunda u noruroto rwokutuurunga okuyenda komanyando warwe wOlimpika nu ma vanga okutaara ozombatasaneno azehe pouhambombari wazo momanyando nga wovandu mbe nouremane kutja eye tji ma zu ko tjandje “wa sye po ena.”

Natalie tje hi nokurikuturisa orutu u tjaterwa okukara norupa movitjitwa vyomahongero na wina ovihungiriro mbi notjiṅa nomahenunino womaumba wovandu mbe ṅiṅiwa i yomeva nu tjinene ovandu imba voviwaṅa imbi ovisyona vya South Africa.

Du Toit we pe raisa kutja: “Ami mbe ya pokumuna kutja ohepero tjinene ovandu okuhaṅasana ondjivisiro nu otjiṅa hi itjimwe ami tji me kara na tjo koure womuinyo wandje. Otjiyorokise tji mo munu ozondiṅona tji maze tjaara na imba ovevehonge tji mave kondjo okuvehonga. Ihi ootjiṅa otjinandṅu, okuyandja ondjivisiro ku varwe mbe nonḍero ve toore ve ke i ungurise pevapayuva.”

Natalie Du Toit opa ririra omunyande wa South Africa ngwa kara nozondoṅeno ozengi mongongorasaneno potuveze otungi nu eye opa ririra omundu omunahepero mekuruhungi romanyando.

(Cook, M.J.)

1 Okuzira omapuriro **(a) – (c)** ove mo hepa okutjanga oreṅera ndji pu pe neziriro esemba porwayo.

(a) Kotjirutenga aape munika aayo Natalie kamaa toṅa moturoto twe twOlimpika mena rokutja ...

- A** eye kaa munu oruvara okuza komuhoko we.
- B** eye kee rikuturisa orutu pu pa yenene.
- C** eye wa muna omuhihamo omukendise.
- D** eye wa ri omunene okukara norupa momanyando. [1]

(b) Ongwaye ombura ndji 2008 tji ya ri onandṅu nao ku Natalie?

- A** eye otja kavaza komanyando omasenina wovandu mbe hupa nouremane.
- B** eye otja taara ozombandi ndano pombatasaneno yomanyando wouye.
- C** eye otja tuurunga okuyenda komanyando wOlimpika wovandu mbe hi nouremane.
- D** eye otja tuurunga okuyenda komanyando womahi nge ri kehi yotjikorone tjOvaingirisa. [1]

(c) Ozongondjero za Natalie zokuisapo orutjiva za zemburukwa pondondo yohoromende indu ...

- A** eye tja kutwa okukawondjisa otjiungura tjotjiwaṅa.
- B** eye tja ṅangwa i yoperesindenda okuyekumuvarura.
- C** eye tja pewa ondjambi i yohoromende.
- D** eye tja pewa oviungura mohoromende. [1]

- (d) Mape heyewa tjike tji maku zu “wa sye po ena” motjiṭo tjeḥungi ndi? Tamuna omapu **yevari**. [2]
- (e) Ongwaye Natalie tji ma sasaneke omatuurungiro wokuyenda komanyando wOlimpika ku nokuronda o Mount Everest? [1]
- (f) Tamuna nu u seturure omihewo **vivari** omutjange mbya ungurisa okuraisa ongondjero nomeriyandjerero wa Natalie kondoneno ye. [4]

[10]

- 2 Ove u nepanga ndaari ungura nawa menyando kaḅni ndo, nungwari mena roviṅenge kaḅni mbyo eye u ripura okuzako kenyanḅo ndo. Ungurisa omeripura nomapu okuza mehungi ra Natalie nu u tjange orutuu kepanga roye ndi ove mu mo mu vandiparisa kutja ma kaende komurungu nenyando ndi.

Oure worutuu rwoye nga rire omambo pokati ko **200 – 250** nao.

[20]

ORUPA B

Resa ehungi ndi nawa nu kuzambo u zire omapuriro ayehe ngu maye teza ku ro.

Okarukondwa 2**Ewe ehuze ezoozu**

Wilma Rudolf (1940-1994) aa varwa otjomukazendu ngu tupuka mouye auhe mozombura nda ze-1960, nu ongwa ri omukazendu omutenga wa Amerika okutaara ozombandi ndatu zongoldo momanyando wovikara nowomorupare wOlimpika mo-1960. Ihi otji tja ri otjikando otjitenga omanyando wOlimpika okuraisiwa motiivii mouye auhe, tji tja vatera Wilma kutja ma rire onyose youye. Momanyando wOlimpika wombura ndji 1960 nga ri mOroma Wilma aa tjiukwa otja “Ewe Ehuze Ezoozu.”

Wilma wa pewa ohako yapeke kokuyera omakareromo norupa wovakazendu movikara moAmerika. Eye wina aa tjiukirwa kokurira omupyuke movitjitwa vyotjiwana nu u aa varwa otja vemwe mba oaurikandjira motjirwa tjousemba wovakwata nowovakazendu.

Wilma mozombura ze zouŋiti wa tuurunga momatokero omengi. Eye wa kwatwa nomieze omihinga nu motjimbe tjombangu yoruveze ndwo, Wilma na ina Blanche kaave yakurwa mozonamiti nda ri momaturiro wavo. Ovo kaave yenene pa ri popazeu okusuta onganga na imwe nangarire yomuzorundu ndja ri momaturiro wavo, ku nao Wilma otjaa hungwa i ina noveŋundu re uriri.

Otjomuatje, Wilma aa kamburwa i yomitjise pekepeke, tje he ri ozombwise omakuma, tje hi nepyu okutja ombepera komapunga poo otjikoroha. Tja ri nozombura 4 eye otja muna ouremane mbwa yetwa i yOpolio. Kutja wa veruka komutjise mbwi eye aa kaendera korukaku rwouremane ndwaa zara kombaze omuho.

“Onganga yandje ye ndji raerere kutja himee kawondja rukwao. Mama ee ndji raere kutja me kaenda nami mba kamburire mu mama.”

Omuhoko wa Wilma va ri ovandu vorusuvero nu ovaŋakamise ovawa. Ina ee mu twara konamiti ndja ri ozokirometa 50 ohumburuko na pu va turire ovikando vivari motjivike oure wozombura mbari ngandu tja uta okukaenda omuini nokuhina orukaku rwouremane. Ozonganga za honganga Blanche okumyanga kutja ma yenene okuvatera Wilma.

Kombunda, tja ri nozombura 12, Wilma wa tutumukwa nu aa yenene okukaenda nokuhina ombatero yorukaku rwouremane na vyarwe. Eye wa yalisa okutwa ouvere we auhe meŋe na yenenisa oruroto rwe rwokurira omutupuke wovikara nomanyando warwe. Eye we rikwamba kotjira tjobasketball posikore, nu imba opa munikirwa i yomukuturise wotutu womanyando wovikara nowomotupare. Eye tja katjita ozombura 16 ozombura 4 uriri okuza na tja veruka kouremane we – Wilma wa muna oruveze motjira tja Amerika tjomanyando wovikara nowomorupare tji tja ya komanyando wOlimpika mo-1956 eye pa kamuna ombandi indji yomureru (bronze). Momanyando wOlimpika nga wo-1960, Wilma wa rira onyose youye “otjomukazendu ngu tupuka mekuruhungi rouye.”

Kombunda yomaunguriro we omawa nga ngaaye ha undjirwa ko, Wilma wa yaruka konganda ko-Tennessee nu ookuzuva kutja ongooneya ya tye okukara nomukandi womayakuriro we. Wilma wa panda okuyenda komukandi womayakuriro we orundu aa tjiwa kutja potjititwa hi ovandu mave haŋewa otja kovivara. Mena rokuraisa onyengo kwe ngwi, omayakuriro we nomukandi mbwi otji tja rira otjititwa otjitengatenga okuwanisa ovandu vovivara pekepeke moClarksville. Eye wa kaenda komurungu okukara norupa momaraisiro wonyengo ngandu ndi ozoveta zombangu tji za isiwa po.

Eye wa za ko kozombatasaneno zovikara mo -1962 na yaruka kosikore ke kerihonga ondingirii momahongero kOyunivesiti ya Tennessee tjinga aa muna otjimariva tjokukerihonga. Kuzambo eye wa ungura otjomiṭiri nu wina omukuturise worutu wovikara.

“Ami mba ri nenyando tjinene momuinyo nokutja mba toṅa, tara ozombandi ndatu zongoldo zomanyando wOlimpika. Ee tjiwa nawa kutja ihi otjiṅa omundu warwe tje hi na maa roro okundjijeka ngaaruhe.”

“Ohepero tjinene kwami okuungura ku novandu omitanda. Mbi zera kutja me munu ovanane tjiva vaimba ovaṭiṭi motjivaro nu e ve tunduuzo nokuvehohiza. Ami aruhe ee kambura kutja otjiṅa otjinandengu momuinyo wandje okuungura ku novandu omitanda. Rwa ri oruroto rwanje okuuta ozoporoharama okutuurungira momanyando nḁu maze tunduuzo omahongero.”

Wilma okuza nokurira onyose ovakazendu va uta okumuna ombango onyingi momanyando wOlimpika nu tjinene momatupukiro wovikara nomanyando nga womorupare. Eye wa rira otjihorera otjiwa kovakazendu ovengi ovanarupa momanyando nu tjinene mba ovaṭiṭi motjivaro, tjimuna oo Florence Griffith Joyner, mbe muna ouzeu okuyenenisa oturoto twavo.

Kombunda yonḁiro ye mo–1994, ovengi ngunda aave kondjo okuyandja ondengero ku imbi eye mbya tjita. Ndino oruwano rwovakazendu mbe ri momanyando ru yandja “Ondjambi ya Wilma Rudolph yOupandi” kovakazendu mbe kondja noupandi okutanana omauzeu. Mondivitivi yotjihuro tje hi o-Clarksville mwa tungwa ombindi ohuze obronsa ya Wilma.

“O roro nu o nyengurisa omasa nge ri moturoto omuano owo ngu ye ṭuna kombango nombepo yovandu. Atuhe tuvemwe motjiṭo hi. Omasa wokutoṅa ye ri mweṭe atuhe.”

(Wikipedia)

- 3 Sasaneka omahitsaneno pokati kooNatalie du Toit na Wilma Rudolf momahungi nga okuisira komatokero nozondoṅeno zavo. **[20]**
- 4 Ngatu tje ove wa ri Wilma Rudolph nu oo kara nembo rovitjitwa vyeyuva (ondaeri) moo tjanga oviṅa moo rihaka nomuano mbwoo rimunu. Tjanga oviṅa mbyoo zemburuka tjinene momuinyo woye membo roye rovitjitwa vyeyuva (ondaeri).
Oure wongundasaneno yoye nga rire omambo pokati ko **200 – 250** nao. **[20]**

BLANK PAGE

BLANK PAGE

